



## Soalan 1

Baca petikan di bawah, kemudian jawab soalan-soalan yang berikutnya.

Pada zaman dahulu, ada dua orang lelaki tinggal berjiran. Seorang lelaki tua yang kaya raya kerana amat rajin bekerja. Seorang lelaki muda yang miskin kerana malas bekerja. Setiap kali lelaki tua itu memasak, lelaki muda tercium bau masakannya. Lelaki muda itu berasa lapar tetapi malas mencari makanan.

Pada suatu hari, lelaki tua itu mengadakan jamuan. Lelaki muda itu mengambil kesempatan untuk memasuki bilik lelaki tua semasa dia sibuk melayan tetamunya. Lelaki muda itu telah mencuri ketulan emas.

Apabila selesai makan, lelaki tua itu masuk ke biliknya untuk tidur. Alangkah terkejutnya dia kerana ketulan emasnya telah hilang. Lelaki tua itu sangat marah sekali.

Pada hari yang lain, lelaki muda itu mengadakan jamuan pula. Dia ingin membuktikan bahawa dia juga kaya sepertinya. Ketika tetamunya sedang **menjamu selera**, lelaki tua itu masuk ke dalam rumah lelaki muda itu. Lelaki muda itu terkejut dengan kehadiran jirannya yang tidak dijemput.

Lelaki tua itu memperkenalkan dirinya sebagai jiran lelaki muda. Dia juga mengatakan bahawa dia menjadi mangsa kecurian lelaki muda. Lelaki muda itu berasa amat malu. Dia berjanji akan menggantikan semua ketulan emas yang telah dicuri olehnya dari rumah lelaki tua itu. Mulai hari itu, lelaki muda tersebut bekerja keras untuk menggantikan harta lelaki tua yang telah dicurinya. Dia juga insaf akan kesilapannya.

a) Apakah yang dicuri oleh lelaki muda itu di bilik lelaki tua ?

---

---



b) Mengapakah lelaki muda bekerja keras pada akhirnya ?

---

---

c) Frasa **menjamu selera** dalam petikan di sebelah bermaksud...

---

---

d) Gariskan **kata sendi nama** yang terdapat dalam ayat yang diberikan.

**Ketika tetamunya sedang menjamu selera, lelaki tua itu masuk ke dalam rumah lelaki muda itu.**

e) Tuliskan **BETUL** bagi ayat yang sama maksud dengan ayat yang diberikan.

**Dia ingin membuktikan bahawa dia juga kaya sepertinya.**

<b>Lelaki muda ingin membuktikan bahawa dia juga kaya seperti lelaki tua.</b>	
<b>Lelaki tua ingin membuktikan bahawa dia juga kaya seperti lelaki muda.</b>	

f) Adik kamu telah mencuri buku cerita di perpustakaan sekolah. Dia telah dihukum oleh guru disiplin. Dia memberitahu kamu bahawa dia ingin mendapatkan sebuah buku cerita yang bernama Harry Potter.

Apakah yang akan kamu lakukan ? (5 markah)

---

---

---

---



## Soalan 2

Baca surat di bawah, kemudian jawab soalan-soalan yang berikutnya.

16, Jalan Semarak,  
Taman Tualang,  
28400 Mentakab,  
Pahang.

20 Mei 2024.

Menemui sahabatku, Poh Yee, yang berada di Taiping. Saya berharap semoga saudara dan keluarga sihat sejahtera hendaknya.

Tujuan saya menulis surat ini adalah untuk mengucapkan tahniah kepada kejayaan saudara kerana mendapat johan dalam pertandingan bercerita. Saya mendapat tahu berita tersebut apabila membaca surat khabar pada pagi tadi.

Saya berasa amat gembira atas kejayaan saudara itu kerana saya memang mengetahui keupayaan saudara. Saya amat yakin bahawa saudara akan memenangi pertandingan ini kerana saudara sangat tekun berusaha sehingga menjadi johan peringkat negeri. Saudari patut berasa amat bangga kerana berjaya mengharumkan nama sekolah dan keluarga.

Sepertimana yang diketahui, saudara berbakat untuk bercerita. Kami suka mendengar cerita saudara apabila saudara mula bercerita di dalam kelas. Banyak cerita menarik yang masih saya ingat seperti “Sesat di Pulau Tioman”.

Sekianlah dahulu untuk kali ini. Sambutlah salam mesra daripada saya dan keluarga. Sekian, terima kasih.

Yang benar,

Chuah Jui Ling

a) Mengapakah Chuah Jui Ling mengucapkan tahniah kepada Poh Yee?

---



b) Mengapakah Poh Yee boleh berjaya menjadi johan peringkat negeri ?

---

---

c) Gariskan **kata adjektif** yang terdapat dalam ayat yang diberikan.

**Saudari patut berasa amat bangga kerana berjaya mengharumkan nama sekolah dan keluarga.**

d) Tuliskan **BETUL** bagi ayat yang sama maksud dengan ayat yang diberikan.

(1 markah)

**Saudari patut berasa amat bangga kerana berjaya mengharumkan nama sekolah dan keluarga.**

<b>Saudari patut berasa amat bangga kerana berjaya menjatuhkan nama sekolah dan keluarga.</b>	
<b>Saudari patut berasa amat bangga kerana berjaya menaikkan nama sekolah dan keluarga.</b>	

e) Adik kamu telah menangis kerana dia tidak mendapat apa-apa tempat dalam pertandingan bercerita. Dia memberitahu kamu bahawa dia tidak mahu menyertai apa-apa pertandingan yang diadakan di sekolah lagi.

Apakah yang akan kamu lakukan ? (5 markah)

---

---

---